



Najaaraq Møller
Inatsisartunut ilaasortaq, Siumut

§ 37 naapertorlugu apeqqummut akissut 157/2023 – GUX-mi kalaallisut ilinniartitsisussaaleqinermut tunngasoq

28-11-2023
Suliap normua: 2023 - 25157
All. nr. 23617568

Asasara Najaaraq Møller,

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Inatsisartut suleriaasiat naapertorlugu apeqquinnut qujanaq. Akissuteqarnissamut GUX Nuummeersunik ilanngussa qarpoq. Apeqqutigineqartut tullinnguuttuni akissuteqarfigissavakka.

Apeqqut 1: GUX Nuummi kalaallisut ilinniartitsisussaaleqineq sunik tunngaveqarpa?

- Inuttassaaleqineq immini qanoq apeqqutaatigaa, aamma
- Akissarsiat immini qanoq apeqqutaatigaa?

Akissut: Kalaallisut ilinniartitsisussaaleqineq arlalinnik pissuteqarpoq. Paasissutissat ilanngunneqarsinnaavoq, ilinniarnertuunngorniarfinni ilinniartitsisuussagaanni ilinniartitsinissamut piginnaatitsissut piumasaqaataamat, tak. § 41 Ilinniarnertuunngorniarfinni piginnaaneqarneq pillugu Namminersorlutik Oqartussat nalunaarutaat (pædagogikum pillugu nalunaarut). Malittarisassatut pingaarnertut tassaavoq ilinniartitsisoq ilinniartitsissutunik tulluurtunik kandidatigarfigissavaa ukiunilu marlunni perorsaanermik tunngaviummik ilinniarsimanissaq (pilarsaarutigaluguluunniit).

Ilisimatusarfik GUX-imut tulluurtumik marlunnik kandidatinnngorniarfeqarpoq, Inuiaat kulturiat oqaluttuarisaanerallu aamma Oqaasilerineq, atuakkialerineq tusagassiuutilerinerlu.

2013 – 2023 kandidatitut naammassisut pillugit tamakkiisumik takussutissiaq:

Kandidatitut ilinniarneq	2013	2014	2015	2016	2017	2018	2019	2020	2021	2022	2023	Katillugit
Oqaasilerineq, atuakkialerineq tusagassiuutilerinerlu	1	3	2	1	0	4	1	8	1	4	4	29
Inuiaat Kulturiat Oqaluttuarisaanerallu	3	5	1	2	2	2	5	4	13	1	7	45
Katillugit	4	8	3	3	2	6	6	12	14	5	11	74

Taakkunani ilinniarsinnaasani kandidatit ilinniarnertuunngorniarfinni ilinniartitsisunngorsinnaanerup saniatigut assersuutigalugu Oqaasileriffimmi, pisortat ingerlatsiviani, takornarialerinermi, atuakkani saqqummersitsivimmi allanilu kulturikkut susassaqartitsivimmi, radio TV-milu kiisalu ilinniartitsisunni qaffasinnerusuni atorfinitsinneqarsinnaapput. Taamaattumik kandidatit naammassimasut GUX-imut qinnuteqartuaannangillat.

1. a.-mut akissut: Ingammik GUX Nuuk ukioq manna 2023/24 kalaallinik ilinniartitsisunik ilisimatusarsimasunik ilinniarsimasumik sulisussaaleqisimavoq, kandidatit ilinniarsimasut ikinnerat pissutaalluni, tamakkiisumik takussutissiaq siulianiittoq takuuk. Ilinniarnertuunngorniarfimmi piginnaaneqarneq pillugu Namminersortut Oqartussat nalunaarutaat (pædagogikum pillugu nalunaarutaat) § 44 malillugu rektor pissutsini immikkorluinnaq ittumi, annerpaamik ukiut ataasiakkaarlugit, aammalu taamaallaat ilinniarnertuunngorniarfinnut pineqartumut atuuttumik, ilinniarnertuunngorniarfimmut pineqartumut atuuttumik, ilinniartitsisumik ilinniartitsissummi ataatsimi imaluunniit amerlanerusuni ataatsimi imaluunniit amerlanerusuni ilinniartitsinissamut ilinniartitsissutaagallartumik tunniussisimavoq, atorfik pillugu allagarsiivikkut allatulluunniit iliornikkut ilinniartitsinerup ilinniartitsisunit piginnaassusilikkanit isumagineqarnissaa periarfissarsissunneqarsimangippat. Taamaattumik GUX Nuuk meeqqat atuariannit kalaallit ilinniartitsisunik ilisimatusarfimmilu ilinniartunik atorfinitsitsisariaqarsimavoq amigaataasoq matussuserniarlugu, kisianni ilisimatusarfimmit ilinniartunik atorfinitsitsinissaq ajornakusoorsinnaavoq GUX Nuummi atuartitsineq ilinniagaannut naapertuuttariaqarmat.

1. b.-mut akissut: GUX Nuummi ilinniartitsisut ilisimatusarsimasut ilinniartitsisullu meeqqat atuarianni ilinniartitsisut ilinniarsimasut amerlasuut akissarsiat pillugit naammagittaalliteqartarsimapput.

Apeqquut 2: *GUX Nuummi kalaallisut ilinniartitsisut atorfininnermi sulisitsisunit qanoq isumaqatigiissuteqarfigineqartarpat?*

a. *Isumaqatigiissutit qanoq oqaaseqartuuneq tunngavigalugu assigiinngillat?*

Akissut 2: Suliassaqarfik isumaqatigiissutinik (overenskomstinik) suliaqarfiuvoq ilinniartitsisut kandidatit ilinniarsimasut AC overenskomst naapertorlugi atorfinitsinneqartarput. Ilinniartitsisut meeqqat atuarianni ilinniartitsisut ilinniarsimasut IMAK-ip overenskomstia naapertorlugi atorfinitsinneqartarput. Ilinniartitsisut tamarmik aallaaviatigut isumaqatigiissutit, ilinniagaannut naapertuuttut, taakku naapertorlugit atorfinitsinneqartarput. Overenskomstit kisimik assigiinngisitsinnaapput, tassa ilisimatusarsimasut (AC) aamma meeqqat atuarianni ilinniartitsisut ilinniarsimasut (IMAK). meeqqat atuarianni ilinniartitsisut atorfinitsinneqarsimagaanni, ukioq ataaseq qaangiuppat ilisimatusarfik aqutugalugu kandidatit ilinniaqqinneq aallartinneqassaaq. GUX Nuup qaffassarluni ilinniarnissamut tiimik immikkoortitsinissaq ukiumoortumik nalunaarummini taperserpaat. Ilinniartitsisut tiimit assigiinngisitaarput, apeqqutaalluni niveau A, B C-luunniit atuartitsissutigisarnarlugu. Atorfimmi tamakkiisumi tiimit tamarmiusut tamanut 1784-iupput. Tamanna overenskomstit aqutugalugit aqunneqarpoq.

2. a.-mut akissut: Ilinniartitsisut kalaallit oqaaseqartut § 6-imi tapi isumaqatiginninniutigisinnaavaat, piginnaasanut tapi qaammammut 1250 kr., tassunga pissutaalluni ilinniartitsisut oqaatsinik suliaqarsinnaammata, atuartitsinerminni atuarfimmullu tunngasunik allanik suliaqarnerminni. Tamanna suliassaqarfimmi atorineqarpoq.

Apeqquut 3: *GUX Nuummi sulisunut aqutsineq misissuiffigineqarsimappat, tamanna qanga qanorlu pisimava?*

Akissut 3: Pitsaassuseq pillugu nalunaaruteqartarnermut atatillugu GUX Nuummi atugarissaarneq pillugu 2022-mi misissuisoqarpoq, tassanilu paasineqarpoq GUX Nuummi 2022-mi aqutsinerup pitsaassusaa sulisunit nalilernerqarneranut atatillugu ilorraap tungaanut ineriartortoqartoq. Paasissutissiissutigineqassaaq 2023-imi nutaamik rektorimik atorfinitsitsisoqarmat. APV (Sullivinnik nalilersuineq) 2025-mi suliarineqarnissaa pilersaarutaavoq.

Inussiarner sumik inuullu aqqusillunnga


Aqqaluaq B. Egede